

南開大學中國社會史研究中心資料叢刊

中國珍稀
家譜叢刊

稀見姓氏家譜

8



鳳凰出版社

南開大學中國社會史研究中心資料叢刊

中國珍稀
家譜叢刊

稀見姓氏家譜

8



鳳凰出版社

滕縣生氏族譜

生克昭 纂修

民國二十五年

四卷

生氏族譜

華世奎題



丙子季冬十七
世孫克昭繫藏

滕縣生氏族譜序

介明性嗜天下之奇書每有聞輒以重價收之或家蓄善本及經史著作必借以付手民雖重直不顧惜而時以其餘贈與人殆超然遊于物之外者也有兄曰克中字允之嘗捐產輔余以成城既歿介明益捐產幣以相勞勩日滋甚余戲之曰君姓生氏可用以爲兆焉而言言若是滕民有生矣介明啞然以笑方兄在時殆一邑之善讀書者嘗自序其世系石印以散族人然卷軸不過二百不能遍也介明出以示余曰此先兄未竟之志也願吾子留意焉余按姓源云生氏蔡大夫歸生之

後又千家姓云太原族二云生氏之受姓兆于晉之瑕
呂飴甥其人雖事非其主然觀其對秦穆數言忠義入
人肺腑雖富鄭公揚善何以加轉敗爲功於立談之亦
真晉惠之良臣也自時厥後書缺有間矣自秦漢以降
至于金元勝之土著人十損其七八其遷以至者半由
晉地卽諸家譜系所謂鵲喜村者也獨勝之生氏來自
勝國蓋十八傳於茲矣且夫人生之于子孫雖亙百世
猶一堂也子孫之有顛連困苦亦先人之所惻然于心
者也爲人子孫苟仰體先人之志而量其力之所及以
爲惇宗睦族之法則所以行之者其必有道矣介明志

切力行其以余言爲何如也丙子孟夏邑人高熙喆撰



滕縣生氏族譜序

士有衡宇未嘗相望也荆蓋未嘗相遇也言貌未嘗相親也而理與氣之相感則一室之內而千里應之蓋理能御氣純而一者也氣有時不衷於理則有純有駁而天下之治亂常由此而出也今天下之任氣者夥矣往往鼓吹謾辭稗說以剝古今不易之理甚至蠹堯舜侮周孔雖秦隋五胡之亂不烈于此矣余嘗心悲焉而未由以發也而生子允明適至允明者蘇氏所謂遊于物之外者也思天下理之根據唯有報本返始耳然欲伸烏私則慟終天矣欲賦林華則嘆獨行矣所最切者唯

有追遠耳故舉生氏上下三百年之遺事詢及父行以迄大父行發爲文章而著于篇刻諸貞珉以告後世則生氏之先爲不腐矣譜牒旣成又丐余書孝經一通圻而嵌于壁上則所謂以理御氣者統諸此矣率此道也雖謂吾道之干城可也丙子冬十月天津華世奎謹序



序

唐人重族姓輒以門閥自矜貴太宗病焉而自述其家
世爲隴西李氏而以周柱下史爲始祖計周秦漢之間
尙非荒遐難稽或故家之圖譜尙有存者猶曰可也然
吾獨怪歐陽公之爲新唐書也其宰相表中厯溯其先
世數典不忘詳矣然吾獨怪自三代以來其迭經喪亂
者亦屢矣落魄萬里外其能免郭崇韜之嫌乎況韓信
之裔爲韋姓左良玉裔姓王氏且嘗見荒居委巷中有
姓諸葛者數世不識字婚喪往來人書爲朱彼亦不省
也亦自朱其姓云爾嗚呼謬謬如此亦足悲已後世爲

圖譜者以始遷者爲始祖是也若吾族生氏以元末自
晉遷堯明初來滕迄今五百有餘歲矣始修家乘者傳
闕如也昭之冢兄嘗續焉族中先輩云家世遺澤多可
載者而高義篤行不登于冊亦子孫之憾也兄旣歿余
考獻徵文丐高仲城太史撰爲傳碑銘辭以補其闕北
走京師而剗剗之以法象後人咸豐甲寅續修至丙子
八十三年丁酉月又續修十七世孫克昭謹序

滕縣生氏族譜卷首

制誥

贈文林郎生漢暨蘇孺人一道

奉

天承運

皇帝制曰設官分職昭器使之無遺錫類施仁喜蒙恩
於伊始爾生漢乃正七品之職生大賢之父秉心醇
樸飭行端方敦誨懷式穀之勤政事本貽謀之善茲
以覃恩贈爾爲文林郎錫之敕命於戲一命得以
逮親遂膺曠典□□期於稱職永荷榮光

制日登皇路以馳驅忠原本孝入庭幃而奉侍嚴必兼
慈爾蘇氏乃正七品之職生大賢之母性本柔和□
□於閭內教惟勤慎□□於庭前茲以覃恩臧
贈爾爲正七品孺人於戲□親邀優渥之恩勉爾懋
績有子劬靖共之誼永表芳型

嘉靖□□年□月□□日

贈文林郎生雨暨馮孺人一道

奉

天承運

皇帝制曰考績報循良之最用獎臣勞推恩溯積累之
遺載揚祖澤爾生雨乃至聖廟原任知印生崇元之
祖父錫光有慶樹德務滋嗣清白之芳聲澤畱再世
衍弓裘之令緒祐篤一堂茲以卅恩地贈爾爲文林
郎錫之敕命於戲事修念祖膺茂典而益勵新猷有
穀詒孫發幽光而不彰潛德

制曰冊命酬庸聿著人臣之茂績德門輯慶式昭大母